

**Aatsitassannut tunngasut taassumalu iluani Kalaallit Nunaata imartaanni nunavittaani uuliasiorfiliani sullivinnik isumannaallisaanermut akisussaaffiup tiguneqarnissaanik Inatsisartut aalajangiivigisassaattut siunnersuut.**

Inuussutissarsiornermut Aatsitassanullu Naalakkersuisoq

**Tunngavilersuut**

Namminersorluni Oqartussaanagermut inatsisip atuutilerneratigut Namminersortut periarfissinneqarput suliassa qarfinnik arlariit tiguneqarnissaannut aalajangernissamut. Aalajangertoqarneratigut tiguneqarsinnaasunut ilaavoq aatsitassanut tunngasut aammalu sullivinnik isumannaallisaaneq.

Namminersorneq pillugu inatsisip § 3 imm. 2-mi aalajangersagaani ilanngussami liste II-mi allassimasutut Namminersorlutik Oqartussat tigussallugit aalajangiussaat malillugu naalagaaffiup namminersortullu akornanni tigusinissap piffissalernissaa isumaqatigiinniutigineqassaaq. Qulaani pineqartut marluk tamarmik inatsimmut ilanngussami liste II-mut ilaapput.

Namminersornerup ataani aqqissuussinerup nutaap kinguneraa Kalaallit Nunaanni aatsitassarsiornikkut isertitat tamarmik Namminersorlutik Oqartussanut tuttalissammata, taakku iluaniillutik piginnaatitsissutit, akileraartitsineq, piginneqataassutit il.il. aqutugalugit isertitakkat.

Naalakkersuisut nalilerpaat Namminersornermut pingaarnerusutut aatsitassanut tunngasut siullerpaanut ilaatillugit Namminersortunit tiguneqarnissaat.

Sullivinnik isumannaallisaaneq eqqarsaatigalugu suliassa qarfiup liste II-mi ilaasoq aammalu aalajangiiffigineqarsinnaasoq taassuma ilaannaanilluunniit Namminersortut tiguisinnaalersillugit.

Sullivinnik isumannaallisaaneq ullumikkut Kalaallit Nunaanni sullivinni isumannaallisaaneq pillugu inatsisip ataani nakkutigisaavoq, taassumalu ataaniillutik nunami sulineq aamma aatsitassarsiorneq, taassumalu iluani imartani uuliasiorneq. Inatsit atuuttoq killiliussatut inatsisaavoq aammalu oqartussaassuseqalersitsisutut inatsisaalluni, imartani uuliasiornermi isumannaallisaanikkut peqqinnikkullu inatsisiliorsinnaanermut piginnaatitsilersoq. Piginnaatitsissut taanna ullumimut imartani sulianut suli atuutsinneqalinngilaq, taamaattumillu peqqinnermut isumannaallisaanermullu tunngasut nakkutigineqaratik. Pineqartoq Danmarkimi imartani uuliasiorneq pillugu inatsisip iluaniippoq, taannalu inatsit Kalaallit Nunaannut atuutsinneqarani.

Imartani uuliasiornerup peqqinnikkut isumannaallisaanikkullu suliassartaata tiguerneratigut siunertaavoq politikkikkut allaffissornikkullu imartani uuliasiornermi sullivinnik isumannaallisaanermut naalakkersuisut ataanni akisussaaffeqalernissaaq, taamaaliornikkut anguniarlugu isumannaallisaanikkut maleruagassanik paasiuminartunik peqalernissaaq aqutsinikkut nakkutiginninnikkullu suliassa qarfinnik eqikkaaffiusumik.

Suliassa qarfiit liste II-miittut naalagaaffimmik isumaqatiginninniareernikkut

tiguneqarnissaannut tunuliaqutaavoq suliassaqarfiit aaqqissuulluakkamik torersumillu  
tiguneqarnissaannik kissaateqarneq.

Taamaattumik Naalackersuisut Inatsisartunut innersuussutigissavaat Namminersorlutik  
Oqartussat suliassaqarfiit aatsitassanut aamma imartani uuliasiornermi sullivinnik  
nakkutilliinermut tunngasut naalagaaffimmi oqartussaasunut  
isumaqatiginninniutigineqalernissaannut suliassap suliarinissaanut akuersaarnissaat.  
Siunniunneqarpoq suliassaqarfiit taakku marluk 1. januar 2010 aallarnerfigalugu  
tiguneqassasut.

Inatsisartut ataatsimiinneranni matumani kingusinnerusukkut saqqummiunneqassaaq Kalaallit  
Nunaanni Inatsisartut aatsitassanut inatsisissaattut siunnersuut imartani uuliasiornermi  
sullivinnik isumannaallisaanikkut aalajangersaanissamut siunnersuutitalik.

Taamatut oqaaseqarlunga siunnersuutip Inatsisartut akuersortumik suliarinninnissaannut  
tunniuppara.